

حقوقی بیکیسیر مجموعہ سی

ہر ایک اون بشندہ نشر اولنور

محکمہ تمیز برنجی حقوق دائرہ سندھ :

- ضد ص: ۱** — علامت قازقہ نظامنامہ سندھ بیان اولنان ضرر طوغریدن طوغری بہ ترب ایدن ضرر مادی بہ مصروف اولوب محروم قالدینی کار و تمتہ شامل اولہ من .
- ۲** — حیز معاملہ سنک اجراسی تاریخندہ مرعی قوانین احکامنجه حقسز بر حیز و توقیف معاملہ سنندن متولد ضرر مادیکن ثبوتی حالندہ طوغریدن طوغری بہ تولد ایدن ضررک تضمینتہ مساع اولوب محروم قالدینی کار و تمتک تضمینی ایجاب ایتر .
- ۳** — اشیانک محافظہ اولندینی بنانک اجرت معینہ مقابلہدہ استیجارینہ دائر مدعی ایلہ بنا صاحبی آرمہ سندہ منعقد عقد شخص ثالثی الزام ایدہ من .
- ۴** — طلب اولنان اجرت مدعی علیہ طرفندن حقسز برہ وقوعبولان حیز و اقامہ اولنان رد دعوانک مدافعمی اوغورندہ صرف ایدیلن مبلغدن ضرر مادی جملہ سنندن اولدیغنه نظرأ اجرت وکالتہ متعلق دعوانک تدقیق ورویتی ایجاب ایدر .

استانبولده تحته قلعهده دار خانسده ۸ نومروده مقیان وهوغو و فرید لاوبارتونف
فیرمہسی آلتدہ اجرای تجارت ایدن امیل وار و ریشار وار افندیلر کویا امتیازینی حائر
اولدقلری چفت اوکوز علامت فارقه سنی چارشولی خان قارشوسنده یکرمی اوچ ویکرمی
بش نومروده مقیم آورام البوداما ونسیم خایم افندیلر جلب ایلدکلی طرپانلر اوزرینہ
وضع ایلہ تقلید جرمی ارتکاب ایلدکلرندن بحثلہ مومی الیہما علیہنہ جزا دعواسی اقامہ
و محکمہ قراریلہ یوز الی یدی صندوق ماللری مصادره ایدلمس ایسده جریان ایدن محاکمہ
نتیجہ سندہ مدعیلرک تقلید جرمی ایقاع ایتدکلی ثابت اولمش و بو بابده کی اعلام محکمہ
تمیزجه دخی تصدیق ایدلمس اولدیغندن و مصادره اولنان اموالک اصولاً کندیلرینہ
تسلیمی ایجاب ایلدکده ایسده یکرمی سکز آدن بری محجوز بولنان طرپانلر خسار
وتغیرہ اوغرا دیغندن اول امرده خسار واقع کشفأ تعیین ایدیلہ رک بعدہ مدعی علیہمانک
محکمہ یہ جلب و دعوتلریلہ محروم قالدقلری آلتی بیک ایکی یوز سکسان لیرا تجارت و درت
یوز قرق سکز لیراسی دہ بو کیراسی و ایکی یوز یدی لیرا طقسسان غروش سیغورطہ
و دعواسی جزائیہ ایچون تأدیہ ایلدیکی بیک لیرا اجرت وکالت و اوتوز لیرا نقلیہ و نتیجہ
کشفده ماللرک عینقینی قبضہ کندیلری ایچون ضرر واقع اولدینی تبین ایتدیکندن بو خسارہ
محسوبأ شمدیلک بیک لیرا کہ جمعأ سکز بیک طقوز یوز آلتمش بش لیرا طقسسان بش
غروشک مع فائض تحصیل طلیلہ مومی الیہما آورام ابو و افا ونسیم خایم افندیلر طرفندن

اقامه اولنان دعوى اوزرينه جريان ايدن محاکمه نتیجه سنده دعواى حاضره حادثه سابقه مبتنى وقانون مدينه نشريدن مقدم زمانه راجع اولوب اوزمان مرعى قوانينه كوره بو كې احوالده تجارت وكاردن محروميت كيفيتلى موضوع بحث ايديله ميه جكنه وبالتيجه آلتى بيك ايكي يوز سكسان ليرا تجارتدن محروميه متدائر دعوا شايان التفات اولماسنه وجزا دعواسى انساننده واو دعوايه مربوط واو دعوى ايله برابر طلب ايدلمسى لابد بولنان اجرت وكالتك ديكر بر دعوى ضمنتده مستقلاً درميانه امكان قانونى بولونما مسنه بناءً ضرر وزياندن معدود وثابت كوريلن اوچوز طقسان ايكي ليرا ده بو اجرتى ايله يوز سكسان سكر ليرا اوتوز سكر غروش سيفورطه اجرتك مدعى عليهمادن بالتحصيل مدعيه اعطاسنه وفضله مدعاك اساسات قانونيه اقراران ايتيان فائض طلبك رديشه وآتى به تعليق ايدلمش اولان بيك ليرا خسار مادي وبر صندوق وفضله اجورأتى حقنده بر قرار اتخاذينه محل كوريله مديكنه متدائر استانبول محكمه اصله دردنجى حقوق دائره سندن وارد اولان ٦ اغستوس سنه ٩٢٧ تاريخ ٢٥٤ نومرولو اعلامك ايضاحات شفاهيه لرليك اخذى صورتيله تميزاً تدقيق اورام ونسيم افنديلر طرفندن طلب واستدعا اولنقله يوم معينه تميز آورام ونسيم افنديلر ناملرينه وكيللرى سعدالدين فريد وميرعليهما ناملرينده وكيللرى عبدالرحمن منيب بككر اوراق مياننده موجود وكالتنامه لرينه استناداً دائره ميه كلوب تميز عليه وكيلك مدت تميز حقنده برديه جكي اولماديني لدى السؤال افاده ايدوب بالتدقيق تميز استدعائهمه سنك مهل قانونى ظرفنده ويرلديكى آكلاشلمغله حاضر بولنان وكيللرى مومى الهيمك لايحه لى مندرجانه دائر ايضاحات شفاهيه لى استماع ووقتك عدم مساعدت سنده بناءً تدقيقات لازمه اجراسيله بويابده اتخاذ اولنجهق قرار تفهيمى كيفيتك ٧ كانون ثانى ٩٢٨ تاريخنه مصادف جمعه ايرتسى كونسه تعليقته قرار ويرلمشدى . يوم معينه اولبايده كى اوراق دعوى وتميزيه تدقيق و مطالعه ايدلد كدن سكره ايجاب كيفيت مذاكره اولندقدده : علامت فارقه نظامنامه سنده بيان اولنان ضرر دوغروندن دوغرى به ترتب ايدن ضرر مادي به مصروف اولوب ضرر ماديدن بشقه متضررك محروم قالديني كار و تتمعه شامل اولماسنه وحجز معامله سنك اجراسى تاريخنده مرعى قوانين احكامنجه بو كې حقسنز رجيز وتوقيف معامله سندن متولد ضرر مادينك ثبوتى حائده دوغريدن دوغرى به تولد ايدن ضررك تضمينه مساغ اولوب بو يوزدن

ماده متضرر اولان شخصك محروم قالدینی كار و تمتعك تضمینی خصوصه مساع بولماسینه مبنی بوقطعه معطوف اعتراضات تمیزیه وارد اولمادی کبی اشیانك محافظه اولدینی بنانك اجرت معینه مقابلنده استیجارینه دائر مدعی ایله بناساحبی آره سنده عقدایدیلن قونطوراتو شخص ثالثی الزام ایدهمیه جکندن اجر مسلمانك لزومنه دائر اولان اعتراض دخی وارد دکلسده طلب ایدیلن اجرت مدعی علیه طرفسندن جزا محکمه سنده مدعی علیه حقسز ره وقوعبولان حجز واقعه اولنان بر دعوانك مدافعه سی اوغرنده صرف ایدیلن مبلغدن و بناء علیه ضرر مادی جملہ سندن اولدیغه نظراً اجرت و کالته متعلق دعوانك دخی تدقیق ورؤئی ایجاب ایدرکن حادثیه توافقی ایتیمان اسباب بیانیه ردینه قرار ویرلمسی مخالف قانون و بوقطعه تماس ایدن اعتراض وارد بولمش اولدیغندن حقوق اصول محاکمه لری قانوننك ۴۲۸ نجی ماده سی موجبجه حکم تمیز بهک اشبو سبیدن دولایی نقضه و کیفیتك نقض واقع دآره سنده مقتضاسی ایفا ایدلک اوزره اوراقك محله اماده و مصارف تمیزیه نك ایلروده حقسز چیقاجق طرفه عایدیته ۵ کانون ثانی ۹۲۸ تاریخنده متفقاً قرار ویرلدی .

محکمہ تمیز برنجی حقوق دآره سنده :

مهره : حادثه نك زمان وقوعنده مرعی احکام موجبجه فضولی اوله رق ضبط وضع ید اولدینی جزا اعلامیه تحقق ایدن اشیانك سر و قیمتك تناقصی سببیه ضمان لازم کلیر . آنجق بوزولق و کوفلنمك کبی احوالده عارض اولان نقصان قیمتك تقسیمی لازم و شو حاله کوره مذکور اشیانك فی الحال سالماً قیمتیه میوباً قیمتی بالتقویم آره ده کی فرق قیمتك تقییتی مقتضی ايسه ده مدعی دعوی عرضحالنده خسار مادی بدل ضمانتدن معین بر مقدار دعوی ایتمش اولدینی جهتله به مقداردن زیادهیه حکم ویرلمسی مخالف قانون اولدیغندن نقضی مستزمدیر .

امین اوکنده ریختیم خاننده برنومروده مقیم تجارتدن توفیق ییلماز بکک استانبول رسومات مدیریت عمومیه سی علیه مارسیلادن ۲۲ تشرین اول ۳۴۱ تاریخنده نامه ورود ایدوب چاق عدیلہ مدیریت مومی الیهاجه مصادره سنه قرار ویرلن دوقوز صدق شاقه نك کمرک آنبارینه وضع واعطاسندن امتناع ایدلش و مصادره یه عادمضبطه جزا محکمه منجه بالفسخ بوبایده کی اعلام تمیز آده تصدیق قلنمش اولدیغندن مذکور شاقه لرك وضع ید تاریخی ایله حال حاضر قیمتی آره سنده کی فرق اولان بش بیک لیرا ایله ماده دوچار

اولدینی خسارات بدلندن آلتی یوز لیرانک که جمعا بش بیک آلتی یوز لیرانک تحصیل و شاپقه لک کمرک رسمک استیفاسیله طرفه تسلیمی حقنده اقامه اولنان دعوانک جریان ایدن محاکمه سی نتیجه سنده مذکور شاپقه لره رسومات اداره سنک بغیر حق وضع ید ایلدیکی اوراق جزائییه محتویاتیه ثابت اولسنه و اهل وقوف طرفندن ویران راپورده مذکور شاپقه لک بعضیلری کاملاً بعضیلری ده قسماً کوفلنمک و قسماً ده زده لیمک و لکه لیمک صورتیه دوچار خسار اولدینی بیلدیرلمسنه و بالحساب زمان وضع یدده کی قیمتیه نظراً درت بیک ایکوز یتش اوچ لیرا بکرمی بش غروش خسار مادی وقوعی تحقق ایلسنه و فقط وضع ید کیفیتیه حادثه سابقه یه مبتنی بولنسنه کوره هرایکی تاریخ آره سنده کی اسعار و قیم فرقتک تقسیمه امکان قانونی موجود اولماسنه بناء کمرک رسمک افساسی صورتیه مذکور شاپقه لک مدعی یه تسلیمه و درت بیک ایکوز یتش اوچ لیرا بکرمی بش غروش نقصان قیمتک مدعی علیهدن بالتحصیل مدعی یه اعطاسنه و فضله ادعا ایله اجرای موقت طلبنک ردینه متدائر استانبول محکمه اصلیه دردنجی حقوق دائره سندن صادر اولان ۲۸ حیزران ۹۲۷ تاریخ و ۲۱۱ نومرولو اعلاملک تمیزاً تدقیق رسومات مدیریت عمومیه سی طرفندن اصولی دائره سنده استدعا اولغله مع تفرعات تدقیق و مطالعه و ایجاب کیفیت مذاکره اولدوقده : حادثه نك زمان وقوعنده مرعی احکامجه فضولی اوله رق ضبط و وضع ید اولدینی جزا اعلامیه تحقق ایدن مذکور شاپقه لک سر و قیمتک تناقصی سببیه ضامی لازم کلش ایسه ده آنجق بوزولوق و کوفلنمک کبی احوالده عارض اولان نقصان قیمتک تقسیمی لازم کلوب شو حاله کوره شاپقه لک فی الحال سالمأ قیمتیه میعاً قیمتی بالتقویم آره ده کی فرق قیمتک تقسیمی مقتضی ایسه ده مدعی دعوی عرفه مانده خسار مادی بدل ضمانندن آلتی یوز لیرا دعوی ایتمش اولدینی جهتله بومقداردن زیاده یه حکم ویرلمسی مخالف قانون اولدیغندن حقوق اصول محاکمه لری قانوننک ۴۲۸ نجی ماده سنک فقره مخصوصه سی موجبجه حکم میزبهک سبب مذکور دن ناشی نقصنه و کیفیتک نقص واقع دائره سنده مقتضاسی ایفا ایدلک اوزره اوراقک محانه امانده سنه و مصارف تمیزیه نك آروجه حقسنر چیقاجق طرفه عایدته ۲۱ تشرین ثانی ۹۲۷ تاریخنده قرار ویرلمشدر .

محکمہ تعمیر برنجی حقوق دائرہ سندھ :

عدد ۱۶۴۵

اساس ۹۱۳ قرار ۷۸۲۵

موضوع : شریک بردن برینک وفاقی وقوعندہ ورثہ سی علیہ مصارف تاسیسیہ دین بولونڈیغندن بخنلہ شریک دیگر طرفندن اقامہ اولنان دعوادہ وجہ اشتراک حصہ مقداری تعین و سرمایہ وضعی کیفیت مدعیہ اثبات ایتدی رملکسزین و وصیہ مک اقراری نفسنہ منحصر و دعوا جیلر میانندہ صفار موجود اولدینی حالہ مبرز اوراق زیرندہ کی متوفایہ نسبت اولنان مهر و امضار اصولاً تحقیق و تدقیق اولتمسزین وصیہ مک اقرارینہ بناء حکم اعطاسی بولمز و مستلزم نقضدر ،

سرکہ جیدہ خداوندکار جادہ سندہ یکی آنقرہ اوٹلی مستأجری حسین بن مرتضی افندیکن مقتولاً وفات ایدن محمد بکله کار و ضرر بینلرنده مشترک املوق اوزرہ برای تجارت آچدقلری آنقرہ اوٹلنہ عائد مصارف تاسیسیہ اولان بیک ایکی یوز سکسان ایکی لیرا سکسان غروش طرفندن وضع و صرف ایدیش و بناء علیہ مبلغ مذکورک نصفی متوفای مرقومکده دینی بولنش اولدیغندن متوفی محمد بک ورثہ سی نامہ زوجہ سی عایشہ خانمندن تحصیلی حقندہ اقامہ ایلدیکی دعوادن طولایی اجرا قلنان محاکمہ مک صوک جلسہ سندہ مدعی وکیلی شرکتک وجودینک اثباتہ حصر دعوی ایلہ آلاچق ادعا سندن صرف نظر ایش و اولبابده کی ایجار و استیجار مقاولہ نامہ سندہ اوچ امضا بولندیغنه کورہ طرفین وکیلارینک بوجهتی ایضاح ایتلری لزومنه قرار ویرلدکن صوکرہ اجرا قلنان تدقیقات و محاکمات نتیجہ سندہ طرفینک صورت ادعا و مدافعہ لرینہ و ابراز ایدیلن اوراق مندرجاتہ نظراً مدعی حسین افندی ایلہ متوفا محمد رفعت افندی یئندہ سرکہ جیدہ خداوندکار جادہ سندہ سابق بروسہ ولاحق یکی آنقرہ اوٹلنک ایشلہ دلسی خصوصندہ مدعی ایلہ متوفی یئندہ برشرکت اولدینی متوفای مومی الہک رفیقہ سی و اولاد صفاری ولسی عایشہ خانمک وقوع بولان اقراری و مبرز اوراق مندرجاتیلہ ثابت اولدیغندن شرکت مذکورہ مک وجودینہ دائر ابراز ایدیلن دعوادن طولایی اجرا قلنان محاکمہ نتیجہ سندہ نجیب افندیکنده مذکور آنقرہ اوٹلنک ایشلہ دلسی خصوصندہ متوفی ایلہ شریک بولندیغنه قرار ویرنش اولدینی آکلاشلدیغندن مقاولہ نامہ دہ امضاسی موجود بولنان نجیب افندی حقندہ تعمیق تدقیقاتہ لزوم اولدیغنه متدائر استانبول محکمہ اصلہ سی

برنجی تجارت دائرہ سندن صادر اولان ۲ اگستوس ۹۲۷ تاریخ و ۵۲۱ نومرولی حکمک اصولی دائرہ سندن تمیزاً تدقیقی طلب ایدلمش و حکم مذکورک صفارہ تعلق حسیلہ رأساً تابع تمیز بولنش اولدیغندن اوراق دعوی و حکمیہ لاجل التدقیق دائرہ ارسال و تودیع قلمش اولغله بالتدقیق ایجاب کیفیت مذاکرہ اولندقدہ : وجہ اشتراک و حصہ مقداری تعیین و سرمایہ وضعی کیفیتی مدعیہ اثبات ایتدیلمکسزین وصیہ نک اقراری نفسہ منحصر و ممیز علیہلر میانده صفار موجود اولدیغندن مبرز اوراق زیرندہ کی متوفایہ نسبت اولان مہرلر و امضالر اصولاً تحقیق و تدقیق اولنقسزین وجہ محرر اولدیغی اوزرہ قرار ویرلسی مخالف قانون اولدیغندن حقوق اصول محاکمہ لری قانوننک ۴۲۸ نجی مادہ سی موجبہ حکم مذکورک اسباب محررہ دن طولانی نقضنہ و کیفیتک نقض واقع دائرہ سندن مقتضای ایفا ایدلمک اوزرہ اوراقک محلنہ اعادہ سنہ ۲۸ کانون اول ۹۲۷ تاریخندہ متفقاً قرار ویرلدی .

حکمک تمیز برنجی حقوق دائرہ سندنہ :

مہرہ : معاملہ فراغیہ نک اجراسیلہ مفروغ بہ مالک اولان مفروغ لہک شاغل فضولیہ خصوصی متوجہ و دعاوی واقعہ نک بالقبول رؤیت و انتاجی لازم کایرکن بوکا مخالف اولغز رد دعوائہ قرار ویرلسی یولیز و مستلزم نقضدر .

اگری قبودہ حاجی الیاس محلہ سندنہ چولجہ سوقاغندنہ ۷ نومرولی خانہ دہ ساکن پولیس متقاعدلرندن ابراہیم افندیکن کوز تپہ دہ محمد افندی محلہ سندنہ رضوان پاشا جادہ سندنہ ۲۵ نومرولی خانہ دہ ساکن قیصریلی محمد افندی علیہنہ براب خانہ ایلہ اوچ دونم مقداری بفتحہ سی فضولاً اشغال اولنقدہ اولدیغندن تخلیہ سیلہ طرفہ تسلیمی واجر مثلك تحصیلی حقندہ اقامہ اولنان دعوان طولانی جریان ایدن محاکمہ نتیجہ سندنہ دعاوی حاضرہ فضولی اشغالدن متولد تخلیہ واجر مثل طلبندن عبارت اولسنہ و حالبوکہ محل مدعا بہی مدعی ۱۵ تموز ۳۴۱ تاریخندہ قطعاً تفرغ و ۲۱ مارت ۳۴۱ تاریخندہ دہ محل مذکورى بسلہ مک شرطیلہ کندوسنہ ویرلدیکنی ومع ذلک ہر ایکی تاریخندہ

مدعی علیه طرفندن تحت اشغالده بولنديفی سويلسنه وبوافاده مفروغ بهک مشغول اولوب کندوسنه خالياً عن الشواغل تسليم ايدلمديکني وتسليم معامله سنک يايلمديفی اقرار ماهيتده کورلسنه وعلى الاصول تسليم وتسليم معامله سی يايلمادجه مفروغ لهک طوغريدن طوغری به شاعلدن دعوايه حق وصلاحتلری اولمايوب آنجق مدعينک فارغدن دعوی ايدمه بيله چکنه مبنی دعواي مقامه نک ردينه متدائر استانبول محکمه محکمه اصلیه سی دردنجی حقوق دائره سندن صادر اولان ۶ مارت ۱۹۲۶ تاريخ و ۱۱۲ نومرولی اعلامک تمیزاً لدى التدقيق تصديقي متضمن دائره دن اعطاقلنان ۲۳ کانون ثانی ۱۹۲۷ تاريخ و ۹۱۱ نومرولی اعلامک تصحيحاً تدقيقی مومی اليه ابراهيم افندی طرفندن اصولی دائره سنده استدعا وطلب اولنغله مذکور اعلام اوراق حکميه و تميزيه ايله معاً بالمطالعہ ايجاب کیفیت مذاکره اولندقدہ: مجرد معامله فراغيه نک اجراسيله مفروغ به مالک اولان مفروغ بهک شاعل، فضولی به خصومتی متوجه وبناءً عليه دعواي واقعہ نک بالقبول رؤیت وانتاجی لازم کلیرکن رد دعوايه قرار ويرلسی مخالف قانون ومستلزم نقض ايکن دائره جه حکم ميز بهک تصديقه قرار ويرلش و بناءً عليه تصحيح قرار استدعای وارد واسباب قانونيه به مستند بولنش اولديغندن حقوق اصول محاکمه لری قانونک ۴۴۲ نجی ماده سنک فقره مخصوصه سی موجبجه استدعاي مذکورک قبوليله قرار مصحح بهک رفته وديپوزيتو آچمه سنک مستدعی تصحيحه اعاده سنه وبالاده ذکر اولنان سبیدن طولايي مخالف قانون اولان حکم مذکورک نقضه و کیفیتک نقض واقع دائره سنده متقضای ایفا ایدلمک اوزره اوراقک محلنه اعاده سنه ۶ کانون اول ۱۹۲۷ تاريخده متفقاً قرار ويرلدی .

محکمہ تمیز تجارت دائره سنده :

عدد ۲

اساس ۷۶

قرار ۳

موضوع: بر بوليجه ده محرر مبلک ديگر بر شهر اوزرته بانقه چکيله تأديه اولنه جفی مصرح بولنديفی و قبولده بو شرط دائره سنده واقع اولديفی حالده بوقيدک نظر تأمله آلتامسی نقضی مستلزمدر .

برنوفی آنونیم شرکتنک یانی اوغورلو اوغلی افسدی ذمتنده مطلوبی اولدیغی علی
الاصول ثابت اولان یوز سکان بربیک ایکی یوز قرق اوچ ایستایان لیرمک مقابلی اولان
اون بش بیک سکز یوز یکریمی درت تورک لیراسنک مومی الیه یانی اوغورلو اوغلی
افندیدن تحصیلنه وفضله ادعا ایله دعوای متقابله سنک ردینه دائر استانبول محکمه اصلیه
برنجی تجارت دائره سندن صادر اولان ۱۳ کانون اول ۹۲۷ تاریخلی و ۲۷۳ نومرولو
اعلامک ایضاحات شفاهیه اخدی صورتیله تمیزاً تدقیقی یانی اوغورلی اوغلی افندی طرفندن
طلب واستدعا اولمغله یوم معینه برنوفی آنونیم شرکته اضافه اوراق میاننده موجود
و کالنامه سنه استناداً آووقات مصطفی اوغوز بک دائره یه کلوب میز یانی اوغورلی افندی
دعوت قانونیه رغماً کلدیکی کبی وکیل قانونی دخی کوندرمدیکندن آنک غیابنده
تدقیقات تمیزیه اجراسنه بالابستدار میز علیه وکیلی مدت تمیز حقه ده برده جکی اولدیغی
لدی السوال افاده ایتمکله ولدی التدقیق تمیز استدعاسنک مدت قانونیه سی ظرفنده اعطا
قلندی آکلاشلمغله حاضر بولسان میز علیه وکیلک ایضاحات شفاهیه سی بعد الاستماع
وقتک عدم مساعدنه مبنی اعطا اولمغله حق قرارک تفهیمی کیفیتک ۲۵ نیشان ۹۲۸
تاریخته مصادف چهارشنبه کونه تعلیقنه قرار ویرلمشدی. یوم اخیره اوراق تمیزیه تدقیق
ومطالعه وایجاب کیفیت مذاکره اولندقدنه: مستند ادعا اولان پولیچرلر کشیده جی
امرینه چکیلمش اولمسه و قبوللری تاریخلری یکی قانون تجارتک موقع مرعیه وضعندن
صوکره تصادف ایلدیکی کبی وعده لری دخی قانون مبحوثک مرعیتی زماننده حلول
ایلمش بولومسنه و تجارت قانونک تطبیقنه متدائر اولان قانونک اونجی ماده سنک صوک
فقره سی دلائله حادثیه قانون مذکور احکامک تطبیقی ایجاب ایلمسه مبنی لایحه تمیزیه ده
بو جهنلر تماس ایدن اعتراضات وارد دکلسمده دوسیه میاننده موجود پولیچرلرده
محرر مبالغک میلانو اوزرینه باقیه چکیله تأدیه اولمغله جعی مصرح اولوب قبولده بو شرط
دائره سنده واقع اولمسنه کوره محکمه جه مذکور پولیچرلرده مندرج اولان قید نظر
اعتباره آلنهرق آکا کوره حکم اعطاسی مقتضی ایکن بوجهت درپیش اولمغسزین
وجه محرر اوزره قرار ویرلمسی مخالف قانون و تمیزاً سرد ایدیلن قض طلبی بواعبارله
وارد و بجا بولنش اولدیغندن حقوق اصول محاکمه لری قانونسک درت یوز یکریمی

سکزنجی ماده‌سی موجبنه حکم میز بهک سبب مذکور دن ناشی نقضه و مقتضای قانونی ایفا ایدلک اوزره اوراقلک محله اعاده‌سنه و بوجه زیر مصارف تمیزیه‌نک آتیا حقسنر حقیقه‌جق طرفه عائدیته ۲۴ نیسان ۹۲۸ تاریخده متفقاً قرار ویرلدی .

حکمه تمیز برنجی مقومه دأره‌سندره :

عدد : ۱۸۳۶

اساس : ۷۷۷

مقدمه : مالیه شعبه‌سنجه تحقق ایتدیریلن حرب قزانجی ویرکوسنی تماماً تأدیه ایتدیکی حالده مکرراً طلب و اموالنه جزر وضع ایدلک صورتیه منع مداخله دأثر خزینه علیهنه اقامه اولنان دعوا بر حادثه حقوقیه ماهیتده اولوب بوکجی دعاوی‌نک رؤیت و تدقیق محکمه‌نک وظیفه‌سی خارجنده اولدیغنه دأثر قوانین موضوعه‌ده صراحت موجود اولماسنه و شورای دولت قانوننک مابه‌الاستناد اون طقوزنجی ماده‌سی محاکم عدلیه‌نک وظیفه‌سی خارجنده اولان مسائل و مقررات اداره‌نک شورای دولتجه تدقیق لزومی متضمن بولونمسه و دعوی جهت مالیه‌جه اتخاذ اولنان قرارک ابطالنه متدأثر اولمایوب منع معارضه دعواسی اولسنه مبنی رؤیت و تدقیق اقتضا ایدر ایکن وظیفه خارجنده عدلیه رد دعوايه قرار ویرلسی مغایر قانون و نقضی مستلزمدر .

استانبولده چارشوی کیرده محفظه‌جیلر سوقاغنده ۴۴ نومرولو دکانده مقیم نصیب جزوه‌جیان افندینک استانبول دفتردارلغی علیهنه مالیه تحصیل شعبه‌سنجه تحقق ایتدیرلمش اولان اوچ بیک ایکی یوز یتمریدی لیرا طقسان بش غروش حرب قزانجی ویرکوسنی ۱۱ کانون ثانی ۹۲۶ تاریخده تماماً تأدیه ایتدیکی حالده مذکور دفتردارلغی طرفندن مکرراً طلب و اموالنه حجز وضع ایدلک صورتیه مداخله ایدلمکده اولدیغندن مداخله واقعنه‌نک منعی طلب و دعوی ولدی المحاکمه مدعی علیهنه خزینه مالیه وکیل دیخی دعواي مذکورنه‌نک رؤیت و تدقیق محکمه‌نک وظیفه‌سندن خارج بولندیغندن ردینی بیان ایلمسی اوزرینه جریان ایدن تدقیقات و محاکمه نتیجه‌سنده مدعیدن طلب ایدیلن حرب قزانجی ویرکوسی اولان سالف البیان مبلغ مزبور محسوب عمومی قانونی موجبنه محسوب علم و خبریه‌محسوبی اجرا قلمش ایه‌ده اخیراً تعمیماً تبلیغ اولنان مالیه وکالت‌جلیله‌سنک

تحریرات علیه سنده یا پیلان محسوب معامله سنك ابطالیه مطلوبات خزینه نك اصحاب سندن
 تقدأ تحصیلی امر و اشعار قلمسی اوزرینه مومی الیه عائد اشبو محسوب معامله سی ابطال
 ایدیلره نك دینك تقدأ تحصیلیه تشبث ایدلیدیکی استانبول دفتر دارلغندن سبق ایدن استعلامه
 مورد جوابدن آکلا شلمش و دولته افراد آره سنده دولتك صفت رسمیه سی اعتباریه
 وقوع بولمش و بوله حق اداری بالجه اختلافك شورای دولته حلی شورای دولتك تشکیلنه متعلق
 قانون مخصوصك ۱۹ و ۲۲ نجی ماده لری صراحتی اقتضاسندن اولدینی کبی موضوع بحث اولان
 ویرکوا یسه قانون مخصوصك صراحتی دائره سنده اداره مقامندن ویریلان قرار ایله معامله
 محسوبیه نك ابطال ایداش اولسی حسیله رؤیت دعوی محکمه نك وظیفه سندن خارج
 بولنش اولغله وظیفه نقطه سندن دعوانك ردینه متدائر استانبول محاکمه اصلیه سی بشنجی
 حقوقی دائره سندن صادر اولان ۱۰ کانون اول ۹۲۷ تاریخ ۳۲۱ عددلی اعلامك ایضاحات
 شفاهی لری نك اخذی صورتیه تمیزاً تدقیقی نصیب جزوجیان افندی و کیلی طرفندن طلب
 اولغله یوم معینه میز نصیب جزوجیان نامه اوراق میانده موجود و کالتنامه مستقداً
 آووقات حسن وصفی بك دائره کلوب میز علیه استانبول دفتر دارلغنی تمثیلاً کیسه
 کلدیکی آکلا شلغلله آنك غایبده تدقیقات اجرا سنده ابدار و تمیز استدنامه سنك
 مدت قانونیه سی ظرفده ویرلدیکی بالتدقیقی نمایان اولغله حاضر بولنان میز و کینك
 تمیز لایحه سی مندرجاتنه دائر ایضاحات شفاهی سی بعدالاستماع اوراق دعوی و تمیزیه
 سر اپادقیقی و مطالعه و ایجاب کیفیت مذاکره اولندقه بر حادئه حقوقیه ماهیتده اولان
 بو دعوانك رؤیت و تدقیقی محکمه نك وظیفه سی خارجنده اولدیغه دائر قوانین موضوعه ده
 صراحت موجود اولماسنه و شورای دولت قانونك محکمه جه استناد ایدیان اون طقونجی
 ماده سی ایسه محاکم عدلیه نك وظیفه سی خارجنده اولان مسائل و مقررات اداریه نك شورای
 دولته تدقیقی لزومی متضمن بولمنسه و دعوی مالیه و کالتك اتخاذ ایتدیکی قرارك
 ابطالنه متدائر اولیوب منع معارضه دعواسی اقامه ایدلیدیکی جهته قانون مذکورك
 یکریمی ایکنجی ماده سی دخی حادثیه تطبیق ایدیله میه جکنه بناءً دعوانك رؤیت و تدقیقی
 اقتضا ایدرکن وظیفه خارجنده اولدیغندن بحثله رد دعوایه قرار ویرلسی مخالف قانون
 و اعتراضات تمیزیه بوا اعتبارله وارد بولندیغندن حقوق اصول محاکمه لری قانونك
 ۴۴۸ نجی ماده سی موجبنه حکم میز بهك نقضنه و کیفیتك نقض واقع دائره سنده

مقتضای ایضا ایدلک اوزره اوراقلک محله اعاده سنه و بوجه زیر مصارف تمیزیه نك ایلریده حقسز حقیقه حق طرفه عایدیه ۲۵ شباط ۹۲۸ تاریخنده تقضاً قرار و بریلرک حاضر بولنان تمیز و کیله اصولاً تفهیم قلندی .

Bibliographie

کتابلر

یکی حقوق اصول محاکمه لری قانونی شرحی

دارالفنون حقوق اصول محاکمه مدرسی مجموعه منحرر لرندن مصطفی رشید بک افندی نك حقوق اصول محاکمه لری قانوننك شرحی حاوی نشر و برنسخه سنی مجموعه منزه اهدا ایتدکلری قیمتی اثری اوقودق . اسویچره نك نوشتلر اصول حقوقیه سنی اساس اتخاذا و غرب موضوعاتندن وبالخاصه آلمان احکام اصولیه سنندن استفاده ایدیلرک تنظیم ایدلش اولان قانوننك شرحی خصوصنده غرب حقوق علماسنك قیمتی تبعلرینه مراجعت لزومی آشکار و بونك ایچون شارحك غرب حقوقه وقوفی شرط اصلی در . استانبول و پارس حقوق فاکولته لرینك بتشدیرمش اولدیغی مصطفی رشید بک افندی بو اوصافی تماماً حائز قیمتی بر حقوقچیمزدر . هر شیدن اول مؤلفك قدرت علمیه سی اثرک مکملیقته دلیلدر .

مؤلف اثرینی باشند باشه ساده بر اسلوب ، سلیس بر افاده و خلاصه کوزل بر تورکجه ایله یازمش اولدیغندن مسلکدن اولسون اولماسون اوقویوجینك استفاده سی تأمین ایدلش دیمکدر .

اثر؛ علمی و جدی تدقیقات محصولدر ، غربك مختلف شارحلرینك مطالعه لرینی آرده کوردیکمز کی مطالعه لر و اجتهدلرله ده سائر قانونلریمله اولان ارتباط بالخاصه تأمین اولونمشدر .

اثرک مدخلی آیریجه احاطه لی بر حقوق مجموعه سیدر . تشکیلاتمز ایجابنه کوره حقوقك عمومی قاعده لری جداً واقفانه تحلیل ایدلشدر .

هر ماده نك شرحنده ، ماده نك سلیس بر افاده ایله معناسی ، واضع قانوننك مقصدی ،